



Universitätsbibliothek Paderborn

**R. P. Maximiliani Sandaei E Societate Iesv Doctoris
Theologi Architectvra Christiana**

Sandaeus, Maximilianus

Coloniæ Agrippinæ, 1653

5. Devs Architectus Sapientissimus. Sapientia Architecto est propria.

[urn:nbn:de:hbz:466:1-46065](#)

ARTICVLVS V.

DEVS ARCHITECTVS SAPIENTISSIMVS.

Sapientia Architecto est propria.

POST Spiritum DEI Beseleeli ad architectandum cōmunicatum, additur Sapientia, quæ secundum vocē originariam, complectitur, tum certam rerum, tam humanarum, quam Diuinarum cognitioem; tum prudentiam, ac futuroruī præsensionem, quæ prouidentiæ nomine denotatur. Est autem Architecti proprium ornamentum Sapientia. Quare Devs, quando, vt Architectus inducitur Sapientia illi cum Prudentia adsignatur. Jeremiæ x. Qui facit terram in fortitudine (id est, Omnipotentia) sua: preparat, (hoc est, firmat) Orbem in Sapientia sua: & Prudentia sua extendit calos. Quibus indicat Propheta, inter perfectiones Diuinæ, Sapientiam potissimum esse & Potentiam, quas Devs, tanquam Architectus in Mundi fabricâ, & rerum omnium opificio constituen- do & conseruando adhibuerit. Et est sanè DEI Sapientia Architectonica, immensa, nullis constricta terminis. Sapientia eius non est numerus, Ps. cxiv. nobis incomprehensibilis. Sapientiam DEI præcedentem omnia quis inuestigabit? Ecclesiastici i. Vbiqne obvia: Effudit illam super omnia opera sua, Ecclesiastici i. Quam magnifica sunt opera tua, Domine. omnia in Sapientia fecisti. Psal. ciii.

ARTICVLVS VI.

PAVLVS APOSTOLVS

Sapiens Architectus.

PAVLVS si quis alius ex Apostolorum choro, habuit omnes illas dotes, ac virtutes, quæ in Architecto Christiano uumeris omnibus absolutissimo requiruntur